

Gunghcwngz: Cozbinj Lijyouz Vunz-caiz Ndawbiengz Ndaej Ciengj

恭城：民间人才旅创作品获奖

11 nyied 21 hauh, youq gwnz doxdax Gveilnz Si Gunghcwngz Yauzcuz Swciyen daihngaih gaiq lijyouz daegsaek vwnzva canjbinj cau' eiq cau'guh, aen yienh neix Gvanhyinh Yangh Yauzcuz vunzlai sam gienh cozbinj camgya doxdax haenx cungj ndaej camgya gietsat doxdax, ndawde cozbinj 《Aenvenz》Ciengj Lijfaz、cozbinj 《Doz Dwknyaen Byameiz》Yangz Caizmingz song gienh neix ndaej ngaenzciengj, 《Lwggyoux》Yangz Caizmingz ndaej youhsiuciengj.

Ciuq cam rox, Ciengj Lijfaz guh aenvenz Yauzcuz haenx gaenq dawz ma guh laex vwnzva gyauhliuz soengq hawj vunzyoux gozci Majlaizsihya caeuq Faz-goz. Yangz Caizmingz dwg vunz swnjcienz feihyiz veh 《Doz Dwknyaen Byameiz》, de dawz

gij doz vehyaenq youq gwnz baengzveh daegsaek Yauzcuz fuengbienh daiq haenx, dwg canjbinj geiqniemh lijyouz; Yangz Caizmingz guh gij cozbinj 《Lwggyoux》dwg gienh gungh-yibinj hongfwngz gyaundeideu.

(Cwng Ciminj/郑智敏 Vangz Yifungh/黄玉峰)



▲ Fuk doz 《Doz Dwknyaen Byameiz》Yangz Caizmingz.



▲ Doenghboux ndaej ciengi haenx hab' ingi.



▲ Yenjyenz youq gwnz hoih haimuq yienjheiq.

Liujcough: Ciuhai Gaiq Daih'it Canj-yez Lijyouz Hwngfat Daihhoih

柳州：召开首届旅游产业发展大会

11 nyied 21 hauh, Liujcough Si gaiq daih'it canjyez lijyouz hwngfat daihhoih nem daih cibbet gaiq Cungguk Yungzuij Myauzcuz ciet max doxdik aenvenz youq Yungzuij Myauzcuz Swciyen haimuq, gak cuz vunzlai ciengqgo diuqfoux angqhoi ngoenzciet.

Ciuq cam rox, Liujcough Si gaiq daih'it canjyez lijyouz hwngfat daihhoih aeu "Hwngfat Daengx Dieg Lijyouz Coicaenh Canjyez Vutgungz" guh cawjdaez, aeu neix coicaenh hongsaeh lijyouz doidoengh ginghci sevei saedyienh hamjyat hwngfat.

(Lungz Dauh/龙涛)

Sanhgyangh: Nyaengq Guh Faenjmaenz Bang Vut Gungz

三江：赶制薯粉助脱贫

Seizciet ngamq haeuj doeng, vunzlai gak mbanj Hozbingz Yangh Sanhgyangh Dungcuz Swciyen cungj nyaengq naengj guh faenjmaenz, vih hawciengz nienzhuq bwh ndei doxgaiq swnghdai. Canjnieb maenznding dwg gij canjnieb ndei cienzdoengj Hozbingz Yangh, geij bi neix daeuj, aen yangh neix yungh "hozcozse + nungzhoh + gihdi" vunqsik dajndaem maenznding 500 lai moux, seizneix gaenq guhbaenz aen cangj gyagoeng faenjmaenznding 4 aen, diengzhong gyaranz 258 ranz, binaengz gyagoeng maenznding 120 fanh gaen, canjiz daih'iek 220 fanh maenz, haeuj doeng le, vunzmbanj mbouj okdou couh ndaej moix ranz bingzyaenz laisou 2800 maenz doxhwnj, rengzrwd bang vunzlai dangdieg vut gungz baenz miz.

(Gungh Bujganh/龚普康)



▲ Vunzmbanj nyaengq dak faenjmaenz.

Hingh'anh: "Cungguk Mbanj Daih'it Makit Vwnhgwz"

兴安：“中国温克葡萄第一乡”



▲ Mehmbwk sou makit.

Ngamq haeuj seizdoeng, Hingh'anh Yen Mozconh Yangh dajndaem gij makit Vwnhgwz baenz fanh moux haenx ndaej fungsou, hawciengz moix goenggaen ndaej 11 maenz, beij seizhah lij ndaej lai sang song maenz.

Ciuq cam rox, aen yangh neix baengh gij swhyenz heiqhaeuh daegbied haenx ndaem fanh lai moux makit Vwnhgwz mbouj doengz seizgan ndaej sou haenx, mboujdan ndaej bouj bonjdieg hawciengz aeu, lij ndaej gai bae hawciengz Dungh-mungz caeuq Ouh Meij, baenz le daiq-doengh dangdieg canjyez donghdaemx nungzminz baenzfouq demsou he, ndaej Cungguk Nungzyozvei Makit Faenhoih hawj aen mingzdaez ndei "Cungguk Mbanj Daih'it Makit Vwnhgwz".

(Vangz Swhcang/王滋创 Dangz Haijyen/唐海燕)